

**Bosna i Hercegovina**  
**Federacija Bosne i Hercegovine**  
**KANTON SARAJEVO**  
**MINISTARSTVO UNUTRAŠNJIH POSLOVA**  
**UPRAVA POLICIJE**  
**SARAJEVO**

Broj: 02 -11-4-886-8/20

Datum: 28.04.2020.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19 i 31/19), člana 69. stav 1. tačka a) i člana 70. stav 1. i 3. Zakona o javnim nabavkama („Službeni glasnik Bosne i Hercegovine”, broj 39/14) i preporuke Komisije za sukcesivne nabavke za potrebe Uprave policije, imenovane Rješenjem broj: 02/5-1-14-4-2625/19 od 13.05.2019. godine i Rješenjem broj: 02/5-1-14-4-2625-1 od 30.08.2019. godine, u postupku javne nabavke usluga osiguranja motornih vozila za potrebe Uprave policije Ministarstva unutrašnjih poslova Kantona Sarajevo, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

**ODLUKU**  
**O DODJELI UGOVORA**

1. Prihvata se preporuka Komisije za sukcesivne javne nabavke i ugovor za javnu nabavku usluga osiguranja motornih vozila za potrebe Uprave policije Ministarstva unutrašnjih poslova Kantona Sarajevo dodjeljuje se ponuđaču Euroherc osiguranje d.d. Sarajevo, za ponuđenu cijenu u iznosu od 175.586,27 KM bez PDV-a.
2. Prijedlog ugovora o nabavci dostavit će se na potpis izabranom ponuđaču Euroherc osiguranje d.d. Sarajevo po isteku roka od 15 dana, računajući od dana kada svi ponuđači budu pismeno obaviješteni o izboru najpovoljnije ponude.
3. Izabrani ponuđač dužan je da u roku od 5 (pet) dana od dana prijema ove odluke dostavi dokumente navedene u tačkama 12. i 13. tenderske dokumentacije, a koje se odnose na član 45. stav 2. tačka od a) do d) i na član 47. stav 1. tačka a).  
Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.
4. Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

**Obrazloženje**

Na osnovu Odluke broj: 02-11-4-886/20 od 18.02.2020. godine, Obavještenja o nabavci broj: 16475-1-2-27-3-31/20 od 20.02.2020. godine i Ispravka za obavještenje o nabavci broj: 16475-1-2-27-8-34/20 od 26.03.2020. godine, proveden je postupak javne nabavke pružanja usluga osiguranja motornih vozila za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-886/20 od 03.04.2020.godine, za aktivno učešće u postupku dostavljene su ponude ponuđača: Osiguranje Aura a.d. Banja Luka, Adriatic osiguranje d.d. Sarajevo, Sarajevo osiguranje d.d. Sarajevo, Euroherc osiguranje d.d. Sarajevo i Uniqa osiguranje d.d. Sarajevo.

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda, broj: 02-11-4-886-7/19 od 27.04.2020. godine, kojim je utvrdila da pristigle ponude sadrže sve elemente tražene

tenderskom dokumentacijom, odnosno da ispunjavaju sve formalno-pravne, ekonomske i tehničke uslove i shodno utvrđenom kriteriju “ekonomski najpovoljnija ponuda” ispunjavaju sve zahtjeve Ugovornog organa.

U pristiglim ponudama Komisija za sukcesivne nabavke za potrebe Uprave policije prilikom pregleda i ocjene ponuda utvrdila je i postojanje računskih grešaka kako slijedi:

- Ukupni iznos u ponudi ponuđača Euroherc osiguranje d.d. Sarajevo, nakon ispravljanja računске greške, treba da iznosi 175.586,27 KM umjesto pogrešno upisanih 175.586,03 (razlika 0,24 KM);
- Ukupni iznos u ponudi ponuđača Adriatic osiguranje d.d. Sarajevo, nakon ispravljanja računске greške, treba da iznosi 183.415,96 KM umjesto pogrešno upisanih 183.413,96 (razlika 2,00 KM);
- Ukupni iznos u ponudi ponuđača Osiguranje Aura a.d. Banja Luka, nakon ispravljanja računске greške, treba da iznosi 328.152,35 KM umjesto pogrešno upisanih 328.152,43 (razlika 0,08 KM).

Na upućene zahtjeve ponuđači su u ostavljenom im roku dali svoju saglasnost za ispravku računskih grešaka.

U cilju otklanjanja potencijalnih prijetnji za žalbe na odabir najpovoljnijeg ponuđača, kao i prijetnji odugovlačenja postupka i mogućnosti nekvalitetnog izvršavanja usluga predmetne javne nabavke, u skladu sa članom 68. stav 3. Zakona o javnim nabavkama BiH („Službeni glasnik BiH“ broj: 39/14), upućen je zahtjev broj: 02/6-11-4-886-3/20 od 15.04.2020. godine, ponuđaču Uniqa osiguranje d.d. Sarajevo, za pojašnjenje priložene dokumentaciji u ponudi. Ponuđač Uniqa osiguranje d.d. Sarajevo je dostavio odgovor u zakonom propisanom roku, koji je Komisija procijenila kao zadovoljavajući.

Rang prihvatljivih ponuda prema kriteriju za dodjelu ugovora „ekonomski najpovoljnija ponuda“ na osnovu konačne rang liste ponuđača čije ponude su prihvatljive:

<b>Naziv ponuđača</b>	<b>Ukupan ponuđena cijena (P) – 95 bodova</b>	<b>Rok obrade zahtjeva (R) – 5 bodova</b>	<b>Ukupan broj bodova (T) - 100</b>
Euroherc osiguranje d.d. Sarajevo	175.586,27 – 95 bodova	1 dan – 5 bodova	100 bodova
Adriatic osiguranje d.d. Sarajevo	183.415,96 – 90,94 bodova	1 dan – 5 bodova	95,94 bodova
Sarajevo osiguranje d.d. Sarajevo	282.565,00 – 59,03 bodova	1 dan – 5 bodova	64,03 bodova
Uniqa osiguranje d.d. Sarajevo	298.424,34 - 55,90 bodova	1 dan – 5 bodova	60,90 bodova
Osiguranje Aura a.d. Banja Luka	328.152,35 – 50,83 bodova	30 dana – 0,17 bodova	51 bod

Shodno rezultatima pregleda i ocjene ponuda i rang listi prihvatljivih ponuda, Komisija je ponudu ponuđača Euroherc osiguranje d.d. Sarajevo, ocjenila prihvatljivom, sa ukupnom cijenom ponude u iznosu od 175.586,27 KM bez PDV-a.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjelih ponuda u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupila te da je preporuka data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, a u skladu sa Zapisnikom o pregledu i ocjeni ponuda broj: 02-11-4-886-7/20 od 27.04.2020. godine, riješeno je kao u dispozitivu.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi, putem ovog Ugovornog organa u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj: 39/14).



**POLICIJSKI KOMESAR**  
**Generalni inspektor policije**

**Nusret Selimović**

**Dostaviti:**

1. Komisiji za sukcesivne nabavke
2. Ponuđačima x5
3. Odjeljenju za odnose s javnošću, radi objave na web stranici ovog organa
4. a/a

